



SOILLSE RESEARCH FUND

STÒRAS RANNSACHAIDH SHOILLSE

Fiosrachadh do Thagraichean - 2018

STÒRAS RANNSACHAIDH SHOILLSE

Ceann-uidhe Stòras Rannsachaidh Shoillse

Chaidh Stòras Rannsachaidh Shoillse a stèidheachadh gus taic a chumail ri pròiseactan beaga rannsachaidh air diofar chuspairean co-cheangailte ri leasachadh na Gàidhlig, agus iad a' freagairt air amasan is cinn-uidhe Shoillse. Is prìomh amas an Stòrais ach leasachadh a dhèanamh air comas rannsachaidh co-bhuinn acadaimigich Shoillse, am measg luchd-rannsachaidh a tha, agus feadhainn a dh'fhaodadh a bhith, an-sàs an obair a' cho-bhuinn. Thathas cuideachd ge-tà a' sùileachadh gun tèid pròiseactan luchd-rannsachaidh lìonra acadaimigich Shoillse a chumail an compàirteachas le institiudan foghlam àrd-ìre eile is le buidhnean/daoine aig a bheil ùidh ann an ath-nuadhachadh na Gàidhlig. Le siostaman is dòighean rannsachaidh ùra air an stèidheachadh anns an dòigh-obrach chom-pàirteachail seo, thèid barrachd eòlais is fiosrachaidh a sgaoileadh, piseach a thoirt air comas is sàr-sgilean rannsachaidh, agus barrachd thuigse a chruthachadh air modhan-obrach leasachadh na Gàidhlig. Cuiridh an com-pàirteachas seo ri ìre de chomas a th' ann a thaobh rannsachadh air a' Ghàidhlig; le dàimhean air an togail le daoine is le buidhnean a bhios a' gabhail pàirt ann am pròiseactan anns nach biodh iad idir air a bhith dualtach a dhol an-sàs, mura robh an taic seo ann.

Cumaidh Stòras Rannsachaidh Shoillse taic suas gu £3,300 ri pròiseactan rannsachaidh. A bharrachd air seo, feumaidh gach pròiseact cuideachd maoinachadh-ionann luach 50% dhe na thathas a' faighinn bho Shoillse. Thèid beachdachadh air tagraidhean-rannsachaidh sam bith fhad 's a tha dàimh aca ri leasachadh na Gàidhlig. Faodaidh iarrtasan a bhith air n cur a-steach, mar eisimpleir, air rannsachadh air togail na Gàidhlig agus cleachdadh na Gàidhlig am measg choimhearsnachdan is theaghlaidhean; air a leithid fèin-aithne is misneachd co-cheangailte ri Gàidhlig, air iomchaidheachd is èifeachdas phoileasaidhean poblach is iad a' buntainn ris a' Ghàidhlig; an t-àite aig teicneòlas an cumail taic ri leasachadh na Gàidhlig, Gàidhlig agus na meadhanan ùra; Gàidhlig ga cleachdadh an saoghal ionnsachaidh agus siostaman foghlaim. Dheigheadh fàilte gu h-àraidh a chur air tagraidhean bho bhuill co-bhuinn acadaimigich Shoillse ann an com-pàirteachas le buidhnean eile sna roinnean poblach is prìobhaideach.

Mu Shoillse

Chaidh Shoillse a stèidheachadh air sàilleabh gu bheil goireasan rannsachaidh a dhìth aig ìre ro-innleachdail a tha comasach air fianais, dearbhadh agus tuigse fhreagarrach a thoirt do phoileasaidhean poblach a tha/bhitheas air an dealbhachadh airson ath-nuadhachadh a thoirt air cor na Gàidhlig ann an Alba san latha an-diugh agus san àm ri teachd.

Ma thathas a' sùileachadh gun tèid fiosrachadh, brosnachadh is buaidh a thoirt gu/air modhan-obrach proifeasanta agus cruthachadh phoileasaidhean a tha neartachadh suidheachadh na Gàidhlig an Alba, 's ann a tha e riatanach gum bi comas rannsachaidh nàiseanta air leth ann; leis an rannsachadh air a cho-òrdanachadh ann an dòigh a chumas fiosrachadh ri poileasaidhean is prìomhachasan Riaghaltas na h-Alba cho math ri prìomhachasan Phlana Nàiseanta na Gàidhlig.

Dòigh-obrach Chompàirteachail

Tha Soillse stèidhichte air com-pàirteachais acadaimigeach de dh'Oilthigh na Gàidhealtachd is nan Eilean, Oilthigh Obar Dheathain, Oilthigh Ghlaschu, Oilthigh Dhùn Èideann, Oilthigh Cailleannach Ghlaschu, Oilthigh Heriot-Watt, Oilthigh Shrath Chluaidh, agus Oilthigh Taobh an Iar na h-Alba. 'S e OGE air a bheil an t-uallach airson stiùireadh agus co-òrdanachadh, le taic bho Chomhairle Maoineachaidh na h-Alba.

Cuspairean is Amasan Rannsachaidh Shoillse

Is amas Shoillse gun tèid comasan rannsachaidh nan diofar institiudan acadaimigeach a chur còmhla ach an tèid na leanas a leasachadh agus a stèidheachadh:

- Comas rannsachaidh aig ìre eadar-nàiseanta a bheir taic, fiosrachadh is buaidh air poileasaidhean nàiseanta is ionadail airson a' Ghàidhlig a ghlèidheadh is ath-nuadhachadh an Alba is eile; agus
- Lìonra cumhachdach rannsachaidh am measg Institiudan Foghlam Àrd-ìre na h-Alba a tha a' gabhail pàirt; a' togail dhàimhean eadar rannsachaidhean nàiseanta le sàr-eòlas is ùidh an gnothaichean co-cheangailte ri suidheachadh na Gàidhlig san là an-diugh, agus Institiudan rannsachaidh mhion-chànan eadar-nàiseanta.

Is iad na trì prìomh chuspairean rannsachaidh aig Soillse:

- Gàidhlig mar chànan choimhearsnachdan is theaghlaichean;
- Gàidhlig ann am foghlam; agus
- Measadh air buaidh phoileasaidhean poblach air ath-nuadhachadh na Gàidhlig.

Cò as urrainn cur a-steach airson taic-airgid bho Stòras Rannsachaidh Shoillse?

Feumar cunntas-banca clàraichte a bhi co-dhiù aig prìomh thagraichean a tha a' sireadh taic-airgid bho Shoillse mu choinneamh rannsachadh. Tha feum cuideachd aig tagraichean a dhèanamh follaiseach gu bheil comas aig an sgioba-rannsachaidh an obair is na h-amasan a choileanadh a-rèir clàr-ama a' phròiseict. Feumaidh buntanas a bhith aig na pròiseactan ri amasan is cinn-uidhe rannsachaidh Shoillse.

Faodaidh na leanas cur a-steach airson taic-airgid:

- Luchd-obrach - a' gabhail a-steach oileanaich for-cheumaiche is fo-cheumnaiche (aig àrd-ìre) - Roinnean is Sgoiltean Gàidhlig is Ceilteach chom-pàirtichean acadaimigeach an-sàs an Soillse.
- Pròiseactan co-obrachaidh le prìomh thagraiche an iarrtais na chom-pàirtiche acadaimigeach Shoillse.
- Tagraidhean bho Sgoil/Roinn Institiud Foghlaim Àrd-ìre sam bith, far nach eil na Sgoiltean/Roinnean Gàidhlig is Ceilteach nam com-pàirtichean acadaimigeach Shoillse.
- Daoine no co-chomhairlichean fa leth, agus far am bheil Institiud Acadaimigeach Shoillse na phrìomh thagraiche airson an taic-airgid.

Cò nach fhaigh taic-airgid?

Chan eileas an dùil gun tèid gabhail ri tagraidhean bho dhaoine fa leth no bhuidhnean aig nach eil cunntas-banca, air neo bho chompanaidhean prìobhaideach agus iad an dùil prothaid a dhèanamh às a' rannsachadh.

Pròiseactan a tha iomchaidh son taic

Thèid pròiseactan a mheas iomchaidh ma tha iad a' coimhead ris, a leithid, ceist rannsachaidh; ri neartachadh comas rannsachaidh; no iomairt gus sgaoileadh eòlais. Feumar, ge-tà, ceangal a bhith aca ri co-dhiù aon den 3 prìomh amasan rannsachaidh Shoillse. Thèid na tagraidhean a mheasadh gu foirmeil a-rèir shlatan-tomhais aontaichte gus dearbhadh gu bheil am pròiseas breithneachaidh fìor chunntachail, soilleir. 'S iad na 4 slatan-tomhais foirmeil airson measadh nan tagraidhean, ach:

<u>Slatan-tomhais</u>	<u>Os-mheud</u>
1. Ìre aig a bheil meudachadh chomasan-rannsachaidh aig bun an tagraidh	5
2. Dè cho fìor ùr, iomchaidh is so-dhèanta 's a tha an tagradh	5
3. Ìre is gum faod rannsachadh ùr air a' Ghàidhlig thighinn às a' phròiseact	5
4. Sgilean Gàidhlig an sgioba rannsachaidh	4

Pròiseactan nach fhaigh taic-airgid

Chan eileas an dùil gu tèid beachdachadh air pròiseactan a leithid:

- Pròiseactan rannsachaidh Gàidhlig a tha a' faighinn taic-airgid mar-thà bho mhaoinean eile.
- Pròiseactan rannsachaidh Gàidhlig air an cuir an gnìomh mar-thà.
- Pròiseactan far a bheil an t-airgead a thathas a' sireadh air a chosg mar-thà.

An t-suim-airgid as motha a gheibhear

Thathas a' sireadh thagraidhean airson taic-airgid suas gu £3,300 air gach pròiseact. Tha feum aig na pròiseactan cuideachd taic-ionnan luach 50% dhe na thathas a' sireadh fhaighinn an dòigh eile¹. Faodaidh na leanas a bhith san taic-ionnan: taic bho mhaoinean-airgid eile, cosgaisean ùine luchd-obrach an-sàs sa phròiseact, cosgaisean mu choinneamh cleachdadh ghoireasan oilthighean an libhrigeadh a' phròiseict air/no taic sam bith eile a tha a' cur ri coileanadh a' phròiseict.

Cia mheud tagradh a faodas cur a-steach?

Chan fhaod tagraichean ach aon tagradh a chur a-steach anns gach cuairt maoineachaidh.

Am feum Gàidhlig a bhith na pàirt den phròiseact rannsachaidh?

Feumaidh comas Gàidhlig a bhruidhinn a bhith aig co-dhiù cuid dhen sgioba rannsachaidh.

Co-dhùnidhean air cò gheibh taic-airgid

Cuiridh Soillse fios do thagraidhean mun a' cho-dhùnadh air/ro [31 An Cèitean 2018](#).

A' cosg an taic-airgid

Tha an taic-airgid le chosg a-mhàin air a' phròiseact rannsachaidh dhan deach an airgead a thabhairt. Chan fhaod taic-airgid bho Sgeama Rannsachaidh Bhig Shoillse a bhith air a cleachdadh mar thaic-airgid ionann no mar mhaoineachadh 'leverage' mu choinneamh pròiseactan/thagraidhean eile dham bheil an tagraiche a' lorg taic-airgid.

Am bi cothroman eile ann cur a-steach airson taic-airgid bhon stòras rannsachaidh?

Bithidh. Bidh gairm ann gach bliadhna suas gu 2023.

An seòrsa fiosrachadh air am bi feum rè ùine a' phròiseict

Bidh Soillse feumach air aithisg adhartais agus air aithisg-dheireannach, nuair a tha an rannsachadh deiseil. Faodaidh gun cuir luchd-obrach Shoillse fios do thagraichean aon uair is gu bheil am Pròiseact rannsachaidh air tòiseachadh ach am faighear fios neo-fhoirmeil air adhartas a' phròiseict.

¹ Mar eisimpleir, feumaidh pròiseact a tha a' lorg £3,300 de thaic-airgid £1,650 de thaic-ionnan a bharrachd fhaighinn. Ann an suidheachadh mur seo, 's i £4,950 prìs iomlan a' phròiseict.

Plana-rannsachaidh, clàr-ama is toraidhean

Bu choir do thagraidhean plana-rannsachaidh soilleir a bhi aca airson nam pròiseactan 6-mìosan seo, agus am fiosrachadh a leanas nan lùib:

- Amasan is feallsanachd an rannsachaidh
- Plana-adhartais mìosail
- Dòighean-obrach air cruinneachadh is sgrùdadh an fhiosrachaidh
- Cunntas goirid air buill an sgioba rannsachaidh, agus na dleastanasan aca sa phròiseact
- Cunntas air a' mhaoineachadh-ionnan (m.e. airgead; oifisean air an cleachdadh, uidheamachd is goireasan...)
- Plana-ionmhais (m.e. tuarasdalan bhall a' phròiseact, cosgaisean-siubhail, cuibhreann teach-an-tìr...)
- Modhan beusail, m.e. a' glèidheadh chòirichean, agus fiosrachadh sam bith air, na feadhna bhon fhuaireas dàta; a' faighinn cead fiosraichte bho luchd-freagairt...)

Aig deireadh Seachdain 15 bu chòir *Aithisg Adhartais* a chur a-steach ach am faigh Sgioba Stiùiridh Shoillse cothrom measadh a dhèanamh air adhartas a' phròiseict, agus comhairle a thoirt seachad.

Bu chòir *Dreach Aithisg Dheireannach* chur a-steach aig deireadh 6-mìosan a' phròiseict. Thèid seo a leughadh leis an Sgioba Stiùiridh agus bheir iad seachad comhairle a bharrachd oirre, le dùil gun tèid an aithisg fhoillseachadh air làrach-lìn Soillse.

Ceann-latha son tagraidhean

Feumaidh tagraidhean slàn a bhi a-staigh air/ro 10 An Céitean 2018.

Mar a chuireas a-steach airson maoinachadh rannsachaidh

Feumaidh am prìomh thagraiche foirm-iarrtais a lìonadh, foirm a tha ri fhaighinn air làrach-lìn Soillse air neo le fios ga chur gu Manaidsear Pròiseict Shoillse airson leth-bhreac pàipeir.

Gheibhear fiosrachadh a bharrachd air Stòras Rannsachaidh Shoillse bho Mhanaidsear a' Phròiseict.

Bu chòir foirmean-iarrtais a bhith air an lìonadh is air an cur a-steach mar phost-d gu gw.smo@uhi.ac.uk air neo tron phost gun t-seòladh a chìthear gu h-ìosal air/ro 10 An Céitean 2018.

Gordon Wells
SOILLSE
Fàs
Sabhal Mòr Ostaig
Slèite
An t-Eilean Sgitheanach
IV44 8RQ

Fòn - Tel: 01471 888559
Post-d – E-mail: gw.smo@uhi.ac.uk